

هالليلة ليلة نايحة      من بيّن هلاله      والدمعة همّالة  
كل المصايب واضحة      ما تخفى أهواله      امقطّعة اوصاله  
حادي محرم والقلب      ذايب أنينه  
هالليلة كل دمعة تصب      ليلية حزينة  
حتى الطفل ظل ينتحب      يواسي سَكينة  
يَا حُسَيْنَا يَا حُسَيْنَا حُسَيْنَا      يَا غَرِيبَا يَا غَرِيبَا يَا غَرِيبَا

هالليلة تبدي الفاجعة      بقلب الزجّية      في الغاضرية  
إبهالأماسي الواقعة      تنصب عزيّة      من هالمسيّة  
مرفوعة كل راية حزن      وكلمن في همّه  
مخّد تغرب عن وطن      مثل أبو اليمّة  
ظل في العراء بلا جفن      امخضّب بدمّه  
يَا حُسَيْنَا يَا حُسَيْنَا حُسَيْنَا      يَا غَرِيبَا يَا غَرِيبَا يَا غَرِيبَا

هالليلة أملاك السما      صارت ابحيرة      ضجّت كسيرة  
اتغسل ابحرّ الدمى      وقت الظهيرة      ابتربة سعيرة  
هذي المواكب في الأرض      ويّا السماوات  
هالخدمة نحفظها فرض      نتركها هيهات  
بطول الوسيلة والعرض      نصب الرايات  
يَا حُسَيْنَا يَا حُسَيْنَا حُسَيْنَا      يَا غَرِيبَا يَا غَرِيبَا يَا غَرِيبَا

كل المواتم واللطم      من طول لسنين      محفوظة بالعين  
حتى الرضيع إلمانفطم      دموعة في العين      يندب أياحسين  
نس تقبل أيام الألم      نس تقبل النوح  
لمن رفعناه العلم      يا الوالي مجروح  
حتى ابخدمتك هالعدم      يتمنى بس روح  
يَا حُسَيْنَا يَا حُسَيْنَا حُسَيْنَا      يَا غَرِيبَا يَا غَرِيبَا يَا غَرِيبَا